



Akademia is 'n Christelike, klassieke en onafhanklike hoëronderwysinstelling wat verbind is tot die uitnemende opleiding en vorming van studente vanuit en vir Afrikaanse taal- en kultuurgemeenskappe. Akademia het vanaf Januarie 2026 op die Gerhardstraat-kampus (Centurion) 'n voltydse pos vir 'n dosent in Bestuurswetenskappe in die Fakulteit Ekonomiese en Bestuurswetenskappe beskikbaar. Kandidate wat oor 'n meestersgraad beskik kan in aanmerking kom vir 'n aanstelling op dosentvlak en kandidate wat oor 'n honneursgraad beskik vir 'n aanstelling op junior dosentvlak.

POSDOELSTELLING

'n Dosent is daarvoor verantwoordelik om hoëgehalteonderrig aan studente te bied deur innoverende klasaanbiedings en leerervarings. Die pos vereis dat akademiese take, navorsing en innovering asook akademiese gemeenskapsdeelname ywerig verrig word. Die vorming van studente tot volwaardige mense word hoog op prys gestel. 'n Dosent streef daarna om as leier in 'n vakgebied erken te word en streef verdieping in alle klasaanbiedings na.

VERANTWOORDELIKHEDE

- voorbereiding en dosering van die module-inhoud
- kurrikulumontwikkeling
- navorsing op vakgebied ter ondersteuning van onderrig en leer, en professionele ontwikkeling
- opstelling en moderering van assesseringsaktiwiteite
- akademiese gemeenskapsdeelname
- lewering van akademiese ondersteuning aan studente

POSVEREISTES

- 'n honneurs-/meestersgraad in Menslikehulpbronbestuur of verwante dissipline
- minstens een tot drie jaar ervaring in die onderrig van enige Menslikehulpbronbestuur-module vanuit 'n besigheids- of bestuurskonteks
- ervaring in versnitte leer (*blended learning*)
- blootstelling aan en vorige gebruik van onderwysmedia

VAARDIGHED E

- sterk verbale en geskrewe kommunikasievaardighede (akademiese Afrikaans)
- interpersoonlike vaardighede
- prioritiserings- en tydsbestuursvaardighede
- onafhanklik in 'n spanverband funksioneer
- sterk rekenaarvaardighede
- kundigheid in die elektroniese onderrig- en leeromgewing
- inisiatief kan neem en oplossingsgedrewe
- vermoë om werk onder druk te voltooi
- 'n liefde vir Afrikaans
- bereid om 'n ambassadeur vir Akademia te wees deur te help om die instelling uit te bou

Klik [hier](#) om vir die pos aansoek te doen. Slegs Afrikaanse CV's sal aanvaar word. Aansoeke moet voor of op **18 November 2025** ingedien word. Stuur 'n e-pos met jou Afrikaanse CV na personeelnavrae@akademia.ac.za indien jy probleme met die skakel ervaar.